

卷一百九十九



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷一百九十九
 內容分類 史 政書 歷代通制
 索書號 貴重-17
 編號 B3510400

杜氏通典卷第二十五

職官七

諸卿上 總論諸卿
 少卿附

奉禮郎 主簿 博士 太祝
 太樂署 鼓吹署 兩京郊社署
 太卜 廩犧 汾祠 太醫署

太樂署 主簿 掌醢署 太官署 珍羞署
 太卜 主簿 太官署

良醞署 主簿 掌醢署 太官署
 丞 主簿 武庫署 武器署

丞 主簿 武庫署 武器署
 守宮署 主簿 武庫署 武器署
 丞 主簿 武庫署 武器署

丞 主簿 武庫署 武器署
 丞 主簿 武庫署 武器署
 丞 主簿 武庫署 武器署

丞 主簿 武庫署 武器署
 丞 主簿 武庫署 武器署
 丞 主簿 武庫署 武器署

丞 主簿 武庫署 武器署
 丞 主簿 武庫署 武器署
 丞 主簿 武庫署 武器署

丞 主簿 武庫署 武器署
 丞 主簿 武庫署 武器署
 丞 主簿 武庫署 武器署

[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本文影像資料庫 索書號: 貴重-17](#)

[漢籍善本文影像資料庫文本杜氏通典二百卷 嘉靖十八年西樵方獻夫刊本](#)

[版權所有: 東京大學 東洋文化研究所](#)

[使用上的注意事項](#)

杜氏通典卷第一百九十八終

杜氏通典卷第一百九十九

邊防十五 北狄六

突厥下

鐵勒

薛延陀

僕骨

同羅

都波

拔野古

多濫葛

斛薛

契苾羽

阿跋

鞠國

俞柁

大漠

白霄

突厥下

西突厥大邏便

木杆可初木杆與沙鉢畧可汗有隙

因分爲二

大邏便汗即其國居烏孫之故地東至突厥

國西至雷翁海南至疎勒北至瀚海在京師西北七

千里自焉耆國西北七日行至其南庭自南庭又正

北八日行至其北庭鐵勒龜茲及西域諸國皆歸附
之其人雜有都陸及弩矢畢葛邏祿處月處密伊吾
等諸種風俗大抵與突厥同唯言語微異其官有葉
護有設有特勒常以可汗子弟及宗族爲之又有一
斤屈利啜閻洪達頡利發吐屯俟斤等官皆代襲其
位大邏便旣爲處羅便可汗所擒其國立鞅素特勒
之子是爲泥利可汗至其子達漫號泥掘處羅可汗
即大羅便之種落與北突厥
處羅可汗號同非一人也其母向氏本中國人生
達漫而泥利卒而向氏又嫁其弟婆實特勒隋開皇
末婆實與向氏詣長安處羅可汗居無常處然多在
烏孫故地立小可汗分統所部一在石國北以制諸

胡一居龜茲北其地名應婆每五月八日相聚祭神

歲遣重臣向其先代所居之窟致祭焉煬帝大業六

年帝將西討吐谷渾遣侍御肅節召處羅會於大斗

拔谷其國人不從處羅謝使者辭以故適會其酋長

射匱使求婚裴矩因奏曰處羅不朝自恃強大臣請

以計弱之分裂其國則易制也射匱者都六之子達

頭之孫達頭舊爲西面可汗初與鉢畧有隙遂分
爲州部因東可汗雅虞閻死後自立爲步迦

可汗達頭死後其孫射
匱微弱不得爲可汗代爲可汗君臨西面今聞其

失職附隸於處羅故遣使來以結援耳願厚禮其使

拜爲大可汗突厥勢分兩從我矣帝從之遂召其使

者言處羅不順之意稱射匱有孝心吾將立爲大可

汗今發兵誅處羅然後當爲婚也帝取莖竹白羽箭
一枝以賜射匱因謂之曰此事宜速疾如箭也使者
反路經處羅處羅受箭將留之使者譎而得免射匱
聞之大喜與兵襲之處羅大敗棄妻子將左右數千
騎東走遁於高昌東保時羅漫山高昌王麴伯雅上
狀帝遣裴矩將向氏親要左右往曉諭之遂入朝詔
留其纍弱萬餘口令其弟闕達設牧畜會寧郡處羅
可汗隋煬帝大業中與特勒大奈入朝仍從煬帝征
高麗賜號爲曷薛那可汗遇江都之亂從宇文文化及
至河北化及敗大唐已革命歸京師封歸義山郡王
俄貢大珠於高祖上勞之曰珠信爲寶王但赤心珠

無所用不受自處羅朝隋後射匱遂有其地處羅既
先與始畢有隙及在京師始畢遣使請殺之高祖不
許群臣諫曰今若不與則是存一人而失一國也後
必爲患遲迴久之不得已乃引曷薛那可汗於內殿
與縱酒既而送至中書門下首縱北突厥使殺之太
宗即位令以禮改葬闕達設初居於會寧有部落三
千餘騎至隋末自稱闕可汗武德初遣使內屬厚加
撫慰尋爲李軌所滅特勒大奈隋大業中與曷薛那
可汗同歸中國及從煬帝討遼東以功授金紫光祿
大夫後分其部落於樓煩會高祖舉兵大奈率其衆
以從隋將桑明和襲義軍於飲馬泉諸軍多已奔退

大奈將數百騎出朔和復掩其不備擊大破之諸軍復振拜光祿大夫及定京城以力戰功賞物五千段賜姓史氏武德初從太宗討薛舉文從平王世充竇建德劉黑闥並有殊功賜宮女三人雜綵萬餘段貞觀三年累遷右武衛大將軍檢校豐州都督封竇國公實封三百戶十二年卒贈輔國大將軍初曷薛那之朝隋也爲煬帝所留其國人遂立薛那之叔父射匱爲可汗始開土宇東至金山西臨西海自玉門以西諸國皆役屬之遂與北突厥爲敵乃建庭於龜茲北三彌山尋卒弟統葉護可汗代立統葉護可汗勇而有謀畧善攻戰遂北并鐵勒西拒波斯南接蜀賓

悉歸之控弦數千萬霸有西域據并焉孫之地又移庭於石國北千里其西域諸國王悉授頡利發并遣吐屯一人監統之督其征賦西戎之盛未有也武德三年遣使貢條支巨知時其突厥作患高祖厚加撫結與之并力以圖北蕃統葉護許以五年冬大軍當發頡利可汗聞之大懼復許葉護通和無相征伐統葉護尋遣使來請婚高祖謂侍臣曰西突厥去我懸遠急疾不相得力今來請婚計將安任封德彝對曰當今之務莫若遠交而近攻正可權許其婚以威北狄待三數年後中國全盛徐思其宜高祖許之婚令高平王道立至其國統葉護大悅遇頡利可汗頻歲

入寇西蕃路梗由是未果爲婚貞觀元年遣真珠統
俟斤與道立來獻萬釘寶鈿金帶馬五十疋時統葉
護自負強盛無恩於國部落咸怨尊羅祿種多叛之
頡利可汗不欲中國與之和親數遣兵入寇又遣人
謂統葉護曰汝若迎唐家公主要須經我國中而過
統葉護患之未克婚爲其伯父所殺而自立是爲莫
賀咄俟屈利毗可汗令分統突厥種類爲小可汗及
此自稱大可汗國人不附弩矢畢部共推泥熟莫賀
設爲可汗泥熟不從時統葉護之子啞利特勒避莫
賀設之難亡在康居泥熟遂迎而立之是爲乙毗沙
本羅肆葉護可汗連兵不息俱遣使來朝各請婚於

我太宗不許諷令各保所部無相征伐其西域諸國
及鐵勒先從屬於西突厥者悉叛之國內虛耗肆葉
護旣是舊主之子爲衆心所歸其西面都陸可汗及
莫賀咄可汗二部豪帥多來附之又與兵以擊莫賀
咄莫賀咄大敗遁於金山尋爲咄陸可汗所害國人
乃奉肆葉護爲大可汗肆葉護可汗立大發兵北征
鐵勒薛延陀逆擊之反爲所敗肆葉護性情狠信讒
無統馭之畧有乙利可汗者於肆葉護功最多由是
授小可汗以非罪族滅之群下震駭莫能自固肆葉
護素憚泥熟而陰欲圖之泥熟遂適焉者其後設卑
達官與突厥弩矢畢一部豪帥潛謀擊之肆葉護以

輕騎遁於康居尋卒國人迎泥熟於焉耆而立之是
為咄陸可汗者咄陸可汗亦稱大度可汗其父莫賀
設本隸紇葉護武德中常至京師時太宗居藩務加
之與之結盟為兄弟既被推為可汗遣使詣闕請
降太宗賜以名號及鼓纛貞觀七年遣鴻臚寺少卿
劉善因至其國冊授為吞河婁後奚利邲咄陸可汗
明年泥熟卒其弟同俄設立是為沙鉢羅唃唃利失可
汗至徒以貞觀九年上表請婚獻馬五百疋朝廷唯
厚加撫慰未許其婚俄而其國分為十部每部令一
人統之號為十設每設賜以一箭故稱十箭焉又分
十箭為左右相各置五箭其在相號為五咄六部落

置五大管一箭右相號為五弩矢畢置五大侯斤
管一箭其後或稱一箭為一部落大箭頭為大首領
五咄六部落居碎葉以東五弩矢畢部落居於碎葉
以西自是都號為十姓部落唃唃利失既不為眾所歸
部衆携二為其統吐屯所襲麾下亡散唃唃利失以左
右百餘騎拒之戰數合統吐屯不利而去唃唃利失奔
其弟步利設與保焉耆其阿悉吉闕俟斤與統吐屯
等召國人將立欲谷設為大可汗以唃唃利失為小可
汗統吐屯為人所殺欲谷設兵又為其俟斤所破唃
唃利失復得故地弩矢畢處月處密等並歸唃唃利失十
二年西部竟立欲谷設為乙毗咄六可汗乙毗咄六

可汗與唃唃失中分自伊列河以西屬咄六以東屬
唃唃失咄六可汗又建庭於烏鍊曷山西謂之北庭
自厥越失拔悉彌駁馬結骨火燐觸木昆諸國皆臣
之十三年唃唃失為吐屯俟發與欲谷設通謀作難
唃唃失窮蹙奔於鍊汗而死弩矢利部落酋帥迎唃
唃失弟伽那之子薄布特勒而立之是為乙毗畧沙
鉢羅葉護可汗乙毗可汗既立建庭於錐合水北謂
之南庭東以伊列河為界自龜茲鄯善且末吐火羅
焉耆石國史國何國穆國康國皆受其節度累遣使
朝貢太宗降璽書慰勉貞觀十五年令左領軍將軍
張太師冊授焉賜以鼓纛于時咄六可汗與葉護頗

相攻擊會咄六遣使詣闕太宗諭以敦睦之道咄六
兵衆漸強西域諸國復來歸附未幾咄六遣石國吐
屯攻葉護擒之送於咄六尋為所殺咄六可汗既并
其國弩矢畢諸姓不服咄六皆叛之咄六復率兵擊
火吐羅破之遣兵寇伊州安西都護郭恪率輕騎二
千自烏骨邀擊敗之咄六又遣處密等圍天山縣郭
恪又擊走之恪乘勝進據處月俟斤所居之城追奔
及於遏索山斬首千餘級降其處密之衆而歸咄六
初以泥熟噉自擅取而斬之以徇尋為泥孰噉部將
胡錄屋所襲衆多亡逸其國大亂貞觀十五年部下
屈利噉等謀欲廢咄六各遣使詣闕請立可汗太宗

遣使齎爾書立莫賀唃乙毗可汗之子是為乙毗射
遺可汗乙毗立乃發弩矢畢兵就白水擊咄六大敗
之咄六自知不為衆所附乃西走吐火羅國中國使
人先為咄六所拘者射匱悉以禮資送歸長安復遣
使貢方物請賜婚太宗許之令割龜茲于闐疎勒殊
俱波葱嶺等五國以克聘禮及太宗崩賀魯反叛射
匱部落為其所併阿史那賀魯者曳步利設射匱特
勒之子也阿史那步真既來歸國咄陸可汗乃立賀魯
為葉護以繼步真居於多邏斯川在西州直北千五
百里統處月處密姑蘇葛邏祿畢失五姓之衆其後
咄六西走吐火羅國射匱可汗遣兵追逐賀魯不常



厥居貞觀二十三年乃率其部落內屬詔居庭州尋
授左騎衛將軍瑤也都督永徽二年與其子咄運率
衆西遁據咄陸可汗之地總有西域諸部建牙于雙
河及千泉自號沙鉢羅可汗統攝咄陸弩矢畢十姓
其咄陸有五唃弩矢畢有五俟斤各有所部勝兵數
十萬並羈屬賀魯其咄六有五唃一曰處月木昆律
二曰胡祿居闕唃賀魯以女妻
之三曰攝舍提唃四曰突騎賀羅陀唃五曰兒尼
陀處半唃弩矢畢有五俟斤一曰阿悉闕俟斤最爲
強盛二曰哥舒闕俟斤三曰拔塞幹唃沙鉢俟
斤四曰阿悉結尼熱俟斤五曰哥舒處半俟斤西域
諸國亦多附隸焉賀魯尋立咄運為賀咄葉護數侵
擾西蕃諸部又進寇庭州三年詔遣左武侯大將軍
梁建方右騎大將軍契苾何力率燕然都護所部迴

紇兵五萬騎討之前後斬首九千級虜渠帥六千餘人四年咄六可汗死其子真珠葉護與五弩矢畢請擊賀魯破其牙帳斬首千餘級顯慶二年遣左屯衛將軍蘇定方燕然都護任雅相副都護蕭嗣業左驍衛大將軍幹海都督迴紇婆閏等率師討擊仍使右武衛大將軍阿史那彌射左屯衛大將軍阿史那步真持節爲安撫大使定方至曳咥河西賀魯率胡祿屋闕啜等二萬餘騎列陣而待定方率嗣業總管任雅相與之交戰賊衆大敗斬其大首領護都哈吐谷反達官等二百餘人賀魯及闕啜輕騎奔窟渡伊麗河兵馬溺死者甚衆嗣業至千泉賀魯建牙之處彌射

進軍伊麗水處密處月部落率衆來降彌射進次雙河賀魯先使步失達官鳩集散卒據柵拒戰彌射步真攻之大潰又與蘇定方攻賀魯於葉水大破之賀魯與啞運欲投鼠耨設至石國之蘇咄城傍人馬飢乏城主伊沮達官詐將酒食出迎賀魯信其言入城反被拘執蕭嗣業旣至石國鼠耨設乃以賀魯之屬俘至京師令獻于昭陵及大社高祖特免死分其種落置崑陵濛池二都護府其所役屬諸胡國皆分置州府西盡于波斯並隸安西都護府四年賀魯卒詔葬于頡利墓側刻石以紀其事○阿史那彌射者室頡黠密可汗五代孫也初室頡黠密爲十大首領有

兵十萬衆往平西域諸胡國自立爲可汗號彌射在
本蕃爲莫賀咄葉護與族兄步真有隙以貞觀十三
年率所部處月處密入朝授右監門大將軍其後步
真遂自立爲咄陸葉護其部落多不服委之遁去步
真復携家屬入朝授左屯衛大將軍彌射從太宗征
高麗有功封平襄縣伯顯慶二年轉左武衛大將軍
及討賀魯乃冊立彌射爲興昔亡可汗兼左衛大將
軍崑陵都護分押賀魯下五咄陸部落步真授繼往
絕可汗兼右衛大將軍濛池都護仍分押五弩矢畢
部落因令與盧求慶等准其部落大小職位高下節
級授刺史以下官龍朔中文令彌射步真俱率所部

從風反海道大總管蘇海政討龜茲步真常欲并

彌射部落遂密告海政云彌射欲謀反請以計誅之
時海政兵纔數千懸師在彌射境內遂集軍吏而謀
曰彌射若反我輩即無噍類今宜先舉事則可克捷
乃僞稱有勅令大總管齎物數百萬段分賜可汗諸
首領由是彌射率其麾下隨例請物海政盡收斬之
其後西蕃盛言彌射非反爲步真所誣而海政不能
審察濫行誅戮武太后臨朝以十姓無主數年部落
多散垂拱初遂擢授彌射子右豹韜衛翊府中郎元
慶爲左玉鈐衛將軍兼崑陵都護今襲興昔亡可汗
押五咄陸部落步真子斛瑟羅爲右玉鈐衛將軍兼

濛池都護押五弩矢畢部落尋進授元慶右衛大將
軍如意元年爲來俊臣誣構謀反被害其子獻配流
崖州長安三年召還累授右驍衛大將軍襲父興昔
亡可汗充安撫招慰十姓大使獻本蕃漸爲默啜及
烏質勒所侵遂不敢還國開元中累遷右金吾大將
軍卒于長安○阿史那步真者在本蕃授右屯衛大
將軍與彌射討平賀魯加授驃騎大將軍行右衛大
將軍濛池都護繼往絕可汗押五弩矢畢部落尋卒
其子斛瑟羅本蕃爲步利設垂拱初授右玉鈴衛將
軍兼濛池都護襲繼往絕可汗押五弩矢畢部落天
授元年拜右衛大將軍改封竭忠事主可汗仍兼濛

池都護尋卒子懷道神龍中累授右屯衛大將軍光
祿卿轉太僕兼濛池十姓可汗自垂拱以後十姓部
落頻被突厥默啜侵掠死散殆盡乃隨斛瑟羅統六
七萬人徙居內地西突厥阿史那氏於是遂絕○突
騎施烏質勒者西突厥之別種也初隸在斛瑟羅下
號爲莫賀達于後以斛瑟羅用法嚴酷擁衆背之左
能撫卹其部落由是爲遠近諸胡所歸附其下置都
督二十員各統兵七千人常屯聚戈壁西北界後
漸攻陷碎葉徙其牙帳居之東北與突厥爲隣西與
諸胡相接至庭州斛瑟羅以部衆削弱自武太后時
入朝不敢還蕃其地並爲烏質勒所并及卒其長子

婆葛代統其衆詔使立婆葛爲金河郡王仍賜以官
女四人初婆葛代父統兵烏質勒下部將闕啜忠節
甚忌之以兵部尚書宗楚客當朝任勢密遣使齎金
七百兩以賂楚客請停婆葛統兵楚客乃遣御史中
丞馮嘉賓克使至其境陰與忠節壽其事并自致書
以申意在路爲婆葛遊兵所獲遂斬嘉賓仍進兵攻
陷火燒等城遣使上表以索楚客頭景龍二年婆葛
弟遮弩恨所分部落少於其兄遂叛入突厥請爲鄉
導以討婆葛婆葛默啜仍留遮弩遣兵二萬人與其
左右來討婆葛擒之與婆葛俱殺之默啜兵還婆葛
下部將蘇祿鳩集餘衆自立爲可汗○蘇祿者突騎

施別種也頗善綏撫十姓部落漸歸附之有衆二十
萬遂雄西域之地尋遣使來朝開元二年制授蘇祿
爲左羽林衛大將軍金方道經畧大使特遣侍御史
鮮忠順齎冊立爲忠順可汗自是每年遣使朝
獻上乃立史懷道女爲金河公主以妻之時杜暹爲
安西都護公主遣牙官齎馬千疋詣安西市使者
宣公主教與暹暹曰向史那氏女豈合宣教與吾節
度使耶杖其使者留而不遣其馬經寒雪盡死蘇祿
大怒發兵分寇四鎮會暹入爲相趙頤直代爲安西
都護城日久之由是四鎮貯積及人畜並爲蘇祿所
掠而去又西僭主俄又遣使入朝獻方物十八年蘇

祿使至京師上御丹鳳樓設宴時突厥先遣使入朝
是日亦來同宴與蘇祿使爭長突厥使曰突騎施國
小本是突厥之臣不宜居上蘇祿使曰今日此宴乃
爲我設不合居下中書門下及百僚遂於東西幕下
兩處分坐突厥使在東突騎施使在西宴訖厚齎而
遣蘇祿性尤清儉每戰伐有功所克獲盡分與將士
及諸部落其下愛之甚爲其用潛又遣使南通吐蕃
東附突厥及吐蕃亦嫁女與之蘇祿旣以三國女爲
可敦又分立數子爲葉護費用漸廣先旣不爲積貯
晚年抄掠所得者留不分之又因風病一手孳緒其
下諸部心始携貳有大首領莫賀達干都摩度兩部

落爲強盛百姓又分爲黃姓黑姓兩種互相阻二

十六年莫賀達干戰於夜攻蘇祿殺之都摩度初與
莫賀達干連謀俄又相背立蘇祿之子吐火仙爲可
汗以輯其餘衆與莫賀達干自相攻擊莫賀達干遣
使告安西都護蓋嘉運嘉運率兵討之大破都摩度
之衆臨陣擒吐火仙嘉運并收得金河公主而還又
欲立史懷道之子昕爲可汗以鎮撫之莫賀達干不
許曰討平蘇祿本是我之元謀若立史昕爲主則國
家何以賞於我乃不立史昕便令莫賀達干統衆二
十七年嘉運率將士詣闕獻俘上御花萼樓以宴之
仍命將吐火仙獻于太廟俄又黃姓黑姓自相屠殺

各遣使降附

鐵勒

鐵勒之先匈奴之苗裔也種類最多自西海之東依
據山谷往往不絕獨洛河北有僕骨同羅高紇拔也
古覆羅並號俟斤蒙陳吐如紇期結渾斛薛等諸姓
勝兵可二萬伊吾以西焉耆之北傍白山則有契弊
薄落賊乙啞蘇婆那曷烏護骨紇也啞於尼護等勝
兵可二萬金山西南有薛延陀啞勒兒十盤達契等
萬餘兵康國北傍阿得水則有阿啞曷截撥忽咤干
具海曷比悉阿嗟蘇拔也末渴達等三萬餘兵傍崑
海東西蘇路羯三索咽蔑促薛忽等諸姓因八千

餘兵拂秣東則有恩屈阿蘭北振九維伏嗚昏等烏
斂近二萬人北海南則都波等雖姓氏各別總謂為
鐵勒並有君長屬東西兩突厥隨水草流移人性凶
忍善於騎射會焚尤甚以寇掠為生近西邊者頗為
藝植多牛羊而少馬突厥國有東西征討皆資其用
以制北荒十六國慕容垂時塞北後魏末河西並云
有劼勒部鐵勒蓋言訛也隋大業元年突厥處羅可
汗擊鐵勒諸部厚其稅斂又猜忌薛延陀等恐為變
遂集其魁帥數百人盡誅之由是一時反叛拒處羅
遂立俟利發俟斤契弊歌漫為曷真莫何可汗居貪
汗山復立薛延陀內俟斤字也啞為小可汗處羅既

敗莫何始大焉甚得衆心爲隣國所憚伊吾高昌焉
者諸國悉附之其俗大抵與突厥同唯丈夫婚畢就
便妻家待產乳男女然後歸此其異也

薛延陀

薛延陀鐵勒之別部

前燕慕容儁時匈奴單于賀刺頭率部三萬五千來降陀蓋其

後與薛部雜居因號薛延陀可汗姓壹利吐氏代爲
強族初蠕蠕之滅也蓋屬于突厥而部落中分在鬱
督軍山者東屬于始單在貪汗山者西屬于葉護其
主夷男大唐貞觀中遣使朝聘爲毗伽可汗居大漠
之北俱淪水南去長安萬四千餘里後鐵勒僕骨同
羅共擊薛延陀大敗太宗以其破亡遣江夏王道宗

左衛大將軍阿史那杜爾爲幹海道安撫使初薛延

陀真珠毗伽可汗遣使請婚太宗許以女妻之徵可

汗備親迎之禮詔幸靈州與之禮會延陀先無府藏

調斂其國且行萬里旣涉沙磧無水草而羊馬多死

遂後期太宗於是停幸靈州旣而聘羊馬損耗將半

於是反其使者群臣或云許公主以妻延陀邊境得

以休息納其獻聘不可失信於蕃人宜在速成太宗

曰君等知古而不知今昔漢家匈奴強而中國弱所

以厚飾子女嫁與單于今中國強而北狄弱漢兵千

人堪擊其數萬延陀所以扶伏稽顙恣我所爲不敢
驕慢者以新得立爲君長雜居非其本屬將倚大國

用服其衆彼同羅僕骨等十餘部落兵可數萬足制
延陁所以不敢發者以延陁爲我所立懼中國也若
今以女妻之大國子婿增崇其禮深結黨援雜姓部
落更尊服之夷狄之人豈知恩義微不得意勒兵南
下謂養獸自噬也今不許其女使命頗簡諸姓部落
知吾棄之其爭擊延陁必矣旣而李思摩數侵掠之
延陁復使突利失寇定襄掠百姓太宗遣英國公李
勣援之虜已出塞而還太宗以璽書責讓之可汗乃
遣使致謝役請發兵助軍太宗優詔答而止焉

僕骨

僕骨鐵勒之別部習俗與突厥畧同在多溫東境勝
兵萬餘與同羅宿敦隣好其居北偏先臣于頡利苦
頡利亂政後附薛延陁貞觀中遣使朝貢及延陁之
滅也其大會婆旬侯利發歌藍伏延詣闕內附

同羅

同羅者鐵勒之別部也在薛延陁之北去長安萬七
千五百里戶萬五千俗與突厥畧同初臣突厥苦頡
利之政亂太宗時其酋帥阿布思以萬餘帳來降處
間無聞洎天寶初其酋帥阿布思以萬餘帳來降處
之朔方河南之地給其廩食每歲仍費繒絮數十萬
段其河曲郡縣倉廩爲之空虛至十年背叛劫掠諸
姓部落遂還漠北尋爲迴紇所破黨衆離散阿布思

後奔葛邏祿北庭節度程千里購之以獻戮於京師

都波

都波者鐵勒別種南去迴紇十三日行分爲三部自相統攝結草爲廬無牛羊不知耕稼土多百合草取其根以爲糧兼捕魚射獵爲食而衣貂鹿之皮貧者緝鳥羽以爲服婚姻富者以馬貧用鹿皮及草根爲聘禮死亡以木櫃盛尸置山中或懸於樹上送葬哭泣畧與突厥類莫知四時之候國無刑罰偷盜倍徵其賊貞觀二十一年遣使朝貢

拔野古

拔野古亦鐵勒之別部在僕骨東境勝兵萬人其地豐草人皆殷富其酋俟利發屈利失貞觀二十一年舉其部來降其地東北千餘里曰康千河拔松木入水二年乃化爲石其色青有國人居住其人謂之康千石其松爲石以後仍似松文人皆着木脚冰上逐鹿以耕種射獵爲業國多好馬又出鐵風俗與鐵勒同言語稍別

多濫葛

多濫葛在薛延陀東界居近同羅水勝兵萬人自古未通中國其太師俟斤多濫葛共率所部朝見

斛薛

斛薛亦鐵勒之別部在多濫葛北境兩姓合居勝兵

七千

契苾羽

契苾羽在多濫葛南境兩姓合居勝兵三千

阿跋

阿跋亦鐵勒之別部在多濫葛西北勝兵千七百餘
隋代號訶啞部是也遷徙無常所

鞠國

鞠國在拔野古東北五百里六日行其國有樹無草
但有地苔無羊馬家畜鹿如中國牛馬使鹿牽車可
勝三四人人衣鹿皮食地苔其俗聚木為屋尊卑共
居其中

俞柁

俞柁國在鞠國東十五日行其土地寬大百姓衆多
風俗與拔野古同少牛馬多貂鼠

大漠

大漠國在鞠國北饒羊馬人極長大長者至丈三四
尺問其國云北有骨師國共大漠相接

白霽

白霽在拔野古東勝兵三千人其渠帥各率所部歸
附列地為州郡其酋長為刺史自鞠國以下諸國並
貞觀二十一年通

杜氏通典卷第一百九十九

杜氏通典卷第二百

邊防十六 北狄七

庫莫奚

契丹

室韋

地豆于

烏落侯

驅度寐

霄

拔悉彌

流鬼

迴紇

骨利幹

結骨

駃騠

鬼國

鹽漠念

庫莫奚

庫莫奚聞於後魏及後周其先東部鮮卑宇文之別

種也初為慕容晃所破遺落者竄匿松漠之間其地今

柳城郡其俗甚不繁而善射獵好為寇抄後魏之初

頗為寇盜及突厥興而臣屬之後稍強盛分為五部